

形貌麤弊情性獷暴語言庸鄙禮義輕薄非
印度之正境乃邊裔之曲俗從此東南下山
渡水行七百餘里至磔迦國北印度境

大唐西域記卷第三

數三

二十

閣爛達羅國
屈居勿露多國
設多圖盧國
波理夜勿羅國
秣菟羅國
薩他泥濕伐羅國
窣祿勤那國
秣底補羅國
婆羅吸摩補羅國
瞿毗霜那國
亞醯掣呾羅國
毗羅刪擎國
劫比他國

唐三藏法師玄奘奉詔譯

大總持寺沙門辯機撰

十五國

磔迦國

至那僕底國

磔迦國周萬餘里東據毗播河西臨信度
河國大都城周二十餘里宜粳稻多宿麥出
金銀鏗石銅鐵時候暑熱土多風飆風俗暴

急言辭鄙亵衣服鮮白所謂僑奢耶衣朝霞
衣等少信佛法多事天神伽藍十所天祠數
百此國已往多有福舍以贍貧匱或施藥或
施食口腹之資行旅無累

執三

二十一

大城西南十四五里至奢羯羅故城垣堵雖
壞基址尚固周二十餘里其中更築小城周
六七里居人富饒即此國之故都也數百年

僧徒莫敢應命少欲無爲不求聞達博學高
明有懼威嚴是時王家舊僅染衣已久辭論
清雅言談贍敏衆共推舉而以應命王曰我
敬佛法遠訪名僧衆推此隸與我談論常謂
僧中賢明肩比以今知之夫何敬哉於是宣
令五印度國繼是佛法並皆毀滅僧徒斥逐
無復子遺

摩揭陀國婆羅阿迭多王此言勿日崇敬佛法愛
育黎元以大族王淫刑虐政自守壇場不供
務餘閑欲習佛法令於僧中推一俊德時諸
職貢時大族王治兵將討幻日王知其聲問

告諸臣曰今聞寇至不忍鬪其兵也幸諸僚
庶赦而不罪賜此微軀潛行草澤言畢出宮
依緣山野國中感恩慕從者數萬餘人棲竄
海島大族王以兵付弟淳海往伐幻日王守
其阨險輕騎誘戰金鼓一震奇兵四起生擒
大族反接引現大族王自愧失道以衣蒙面
幻日王踞師子牀羣官周衛乃命侍臣告大
族曰汝露其面吾欲有辭大族對曰臣主易
位怨敵相視旣非交好何用面談再三告示
終不從命於是宣令數其罪曰三寶福田四

生攸賴苟任豺狼傾毀勝業福不祐汝見擒
於我罪無可赦宜從刑辟時幻日王母博聞
強識善達占相聞殺大族也疾告幻日王曰
我嘗聞大族奇姿多智欲一見之幻日王命
引大族至母宮中幻日母曰嗚呼大族幸勿
耻也世間無常榮辱更事吾猶汝母汝若吾
子宜去蒙衣一言面對大族曰昔爲敵國之
執三君今爲俘囚之虜墮廢王業亡滅宗祀上愧
先靈下慙黎庶誠恥面目俯仰天地不能自
喪故此蒙衣王母曰興廢隨時存亡有運以

心齊物則得喪俱忘以物齊心則毀譽更起
宜信業報與時推移去蒙對語或存軀命大
族謝曰苟以不才嗣膺王業刑政失道國祚
亡滅雖在繩繼之中尚食旦夕之命敢承大
造而謝厚恩於是去蒙衣出其面王母曰子
其自愛當終爾壽已而告幻日王曰先典有
訓宥過好生今大族王積惡雖久餘福未盡
若殺此人十二年中菜色相視然有中興之
氣終非大國之王當據北方有小國土幻日
王承慈母之命懲失國之君娉以稚女待以

殊禮總其遺兵更加衛從來出海島大族王
弟還國自立大族失位藏竄山野北投迦濕
彌羅國迦濕彌羅王深加禮命愍以失國封
以土邑歲月既淹率其邑人矯殺迦濕彌羅
王而自尊立乘其戰勝之威西討健馱邏國
孰三
潛兵伏甲遂殺其王國族大臣誅鋤殄滅毀
窣堵波廢僧伽藍凡一千六百所兵殺之外
餘有九億人皆欲誅戮無遺噍類時諸輔佐
咸進諫曰大王威懾強敵兵不交鋒誅其首
二十三
惡黎庶何咎願以微躬代所應死王曰汝信

佛法崇重冥福擬成佛果廣說本生欲傳我
惡於未來世乎汝宜復位勿有再辭於是
以三億上族臨信度河岸殺之三億中族下沉
信度河流殺之三億下族分賜兵士於是持
其亡國之貨振旅而歸曾未改歲尋即殂落
殂落之時雲霧冥晦大地震動暴風奮發時
證果人愍而歎曰枉殺無辜毀滅佛法墮無
間獄流轉未已

奢羯羅故城中有一伽藍僧徒百餘人並學
小乘法世親菩薩昔於此中製勝義諦論其

側窣堵波高二百餘尺過去四佛於此說法
又有四佛經行遺迹之所

伽藍西北五六里有窣堵波高二百餘尺無
憂王之所建也是過去四佛說法之處

新都城東北十餘里至石窣堵波高二百餘
尺無憂王之所建也是如來往北方行化中
路止處印度記曰窣堵波中有多舍利或有
齋日時放光明從此東行五百餘里至那僕
底國北印度境

至那僕底國周二千餘里國大都城周十四

五里稼穡滋茂果木稀疎編戶安業國用豐

贍氣序溫暑風俗怯弱學綜真俗信兼邪正

伽藍十所天祠八所

昔迦膩色迦王之御宇也聲振隣國威被殊

號三

二十一

俗河西蕃維畏威送質迦膩色迦王既得質

子賞遇隆厚三時易館四兵警衛此國則質

二十四

涅槃之後第三百年中有迦多衍那

舊曰迦
旃延訛

子冬所居也故白至那僕底

漢封此言
質子所居

因爲國號此境已往洎諸印度土無梨桃質
子所植因謂桃曰至那此言漢持本梨曰至那
羅闍弗呾邏此言漢王子故此國人深敬東土更

相指告語是我先王本國人也

大城東南行五百餘里至答秣蘇伐那僧伽

監此言闍林僧徒三百餘人學說一切有部衆儀

蘭穆德行清高小乘之學特爲博究賢劫千
佛皆於此地集天人衆說深妙法釋迦如來

也論師者於此製發智論焉

闍林伽藍中有窣堵波高二百餘尺無憂王
之所建也其側則有過去四佛座及經行遺
迹之處小窣堵波諸大石室鱗次相望不詳

其數並是劫初已來諸果聖人於此寂滅差
難備舉齒骨猶在繞山伽藍周二十里佛舍
利窣堵波數百千所連隅接影從此東北行
百四五十里至闍爛達羅國

北印度境

闍爛達羅國東西千餘里南北八百餘里國

二十五

大都城周十二三里宜穀稼多粳稻林樹扶
疎華果茂盛氣序溫暑風俗剛烈容貌鄙陋
家室富饒伽藍五十餘所僧徒二千餘人大
小二乘專門習學天祠三所外道五百餘人
並塗灰之侶也此國先王崇敬外道其後遇

羅漢聞法信悟故中印度王體其淳信五印
度國三寶之事一以總監混彼此忘愛惡督
察僧徒妙窮淑慝故道德著聞者竭誠敬仰
戒行虧犯者深加責罰聖迹之所並皆旌建
或窣堵波或僧伽藍印度境內無不周福從
戒行虧犯者深加責罰聖迹之所並皆旌建
或窣堵波或僧伽藍印度境內無不周福從

此東北踰峻嶺越洞谷經危途涉峻路行七
百餘里至屈露多國

北印度境

屈露多國周三千餘里山周四境國大都城
周十四五里土地沃壤穀稼時播華果茂盛
卉木滋榮既隣雪山遂多珍藥出金銀赤銅

及火珠雨石氣序逾寒霜雪微降人貌麤弊
既瘦且健性剛猛尚氣勇伽藍二十餘所僧
徒千餘人多學大乘少習諸部天祠十五異
道雜居依巖據嶺石室相距或羅漢所居或
仙人所止國中有窣堵波無憂王之所建也

在昔如來曾至此國說法度人遺迹斯記從
此北路千八九百里道路危險踰山越谷至
洛護羅國此北二千餘里經途艱阻寒風飛
雪至秣羅娑國亦謂波訶國自屈露多國南行十
百餘里越大山濟大河至設多圖盧國北印度

設多圖盧國周二千餘里西臨大河國大都
城周十七八里穀稼殷盛果實繁茂多金銀
出珠珍服用鮮素裳衣綺靡氣序暑熱風俗
淳和人性善順上下有序敦信佛法誠心質
敬王城內外伽藍十所庭宇荒涼僧徒渺少
熱三
城東南三四里有窣堵波高二百餘尺無憂
王之所建也傍有過去四佛座及經行遺迹
之所復從此西南行八百餘里至波理夜咀
羅國中印度境

波理夜咀羅國周三千餘里國大都城周十
八九百里南接大河北臨大山東接大山西接
大山北接大山南接大山東接大山北接大山

四五里宜穀稼豐宿麥有異稻種六十日而收穫焉多牛羊少華果氣序暑熱風俗剛猛不尚學藝信奉外道王吠奢種也性勇烈多

武略伽藍八所傾毀已甚僧徒寡少習學小乘天祠十餘所異道十餘人從此東行五百

餘里至秣菟羅國

中印度境

順好修冥福崇德尚學伽藍二十餘所僧徒二十餘人大大小二乘兼攻習學天祠五所異道雜居

有三窣堵波並無憂王所建也過去四佛遺迹甚多釋迦如來諸聖弟子遺身窣堵波謂

舍利子

舊曰舍梨子又曰舍利弗說略也

曰沒特伽羅子

舊曰目訖

秣菟羅國周五千餘里國大都城周二十餘里土地膏腴稼穡是務菴設羅果家植成林雖同一名而有兩種小者生青熟黃大者始終青色出細班麁及黃金氣序暑熱風俗善

連訛多羅尼子優波釐阿難陀羅怙羅此言滿慈悲也訛略也曼殊室利此言妙吉祥舊曰謠首又譯云皆訛利譯曰妙諸菩薩窣堵波等每歲三長及月

六齋僧徒相競率其同好齋持供具多營奇

玩隨其所宗而致像設阿跋達磨衆供養舍
利子習定之徒供養設特伽羅子誦持經者
供養滿慈子學毗柰耶衆供養優波離諸苾
芻尼供養阿難未受具戒者供養羅怙羅其

學大乘者供養諸菩薩是日也諸窣堵波競
修供養珠幡布列寶蓋駢羅香煙若雲華散
如雨蔽虧日月震蕩谿谷國王大臣修善爲
務城東行五六里至一山伽藍疏崖爲室因
谷爲門尊者鄒波鞠多此言近護之所建也其中

則有如來指爪窣堵波

伽藍北巖間有石室高二十餘尺廣三十餘
尺四寸細籌填積其內尊者近護說法化導
夫妻俱證羅漢果者乃下一籌異室別族雖
證不記石室東南二十四五里至大涸池傍

有窣堵波在昔如來行經此處時有獮猴持
蜜奉佛佛令水和普偏大衆獮猴喜躍墮坑
而死乘茲福力得生人中

池北不遠大林中有過去四佛經行遺迹其
側有舍利子設特伽羅子等千二百五十大

阿羅漢習定之處並建窣堵波以記遺迹如

來在世屢遊此國說法之所並有封樹從此

東北行五百餘里至薩他泥濕伐羅國

中印度境

薩他泥濕伐羅國周七千餘里國大都城周二十餘里土地沃壤稼穡滋盛氣序溫暑風

孰三二十八

俗澆薄家室富饒競爲奢侈深閑幻術高尚異能多逐利少務農諸方奇貨多聚其國伽藍三所僧徒七百餘人並皆習學小乘法教天祠百餘所異道甚多

大城四周围二百里內彼土之人謂爲福地聞

諸先志曰昔五印度國二王分治境壤相侵

干戈不息兩主合謀欲決兵戰以定雌雄以

寧氓俗黎庶胥怨莫從君命王以爲衆庶者

難與慮始也神可動物權可立功時有梵志素知高才密齋束帛命入後庭造作法書藏

諸巖穴歲月既久樹皆合拱王於朝坐告諸臣曰吾以不德忝居大位天帝垂照夢賜靈書今在某山藏於某嶺於是下令營求得書山林之下羣官稱慶衆庶悅豫宣示遠近咸使聞知其大略曰夫生死無涯流轉無極舍

靈淪溺莫由自濟我以奇謀令離諸苦今此
王城周二百里古先帝世福利之地歲月極
遠銘記湮滅生靈不悟遂沉苦海溺而不救

夫何謂歟汝諸舍識臨敵兵死得生人中多
殺無辜受天福樂順孫孝子扶侍親老經遊

此地獲福無窮功少福多如何失利一喪人

身三途冥漠是故舍生各務修業於是人皆
兵戰視死如歸王遂下令招募勇烈兩國合
戰積屍如莽迄于今時遺骸遍野時既古昔
人骸偉大國俗相傳謂之福地

城西北四五里有窣堵波高二百餘尺無憂
王之所建也輒皆黃赤色甚光淨中有如來
舍利一升光明時照神迹多端

城南行百餘里至俱曇^去茶僧伽藍重閣連
甍層臺間峙僧徒清肅威儀閑雅從此東北

行四百餘里至窣祿勤那國

中印度境

窣祿勤那國周六千餘里東臨殊伽河北背
大山闊牟那河中境而流國大都城周二十
餘里東臨闊牟那河荒蕪雖甚基址尚固土
地所產風氣所宜同薩他泥濕伐羅國人性

淳質宗信外道貴藝學尚福慧伽藍五所僧徒千餘人多學小乘少習餘部商榷微言清論玄奧異方俊彥尋論稽疑天祠百所異道甚多

大城東南間牟那河西大伽藍東門外有窣堵波無憂王之所建也如來在昔曾於此處說法度人其側又一窣堵波中有如來髮爪也舍利子沒特伽羅諸阿羅漢髮爪窣堵波周其左右數十餘所如來寂滅之後此國爲諸外道所詐誤焉信受邪法捐廢正見今有

五伽藍者乃異國論師與諸外道及婆羅門論義勝處因此建焉間牟那河東行八百餘里至宛伽河河源廣三四里東南流入海處廣十餘里水色滄浪波濤浩汗靈怪雖多不爲物害其味甘美細沙隨流彼俗書記謂之福水罪咎雖積沐浴便除輕命自沉生天受福死而投骸不墮惡趣揚波激流亡魂獲濟時執師子國提婆菩薩深達實相得諸法性愍諸愚夫來此導誘當是時也士女咸會少長畢萃於河之濱揚波激流提婆菩薩和光

汲引俯首反激狀異衆人有外道曰吾子何其異乎提婆菩薩曰吾父母親宗在執師子國恐苦飢渴冀斯遠濟諸外道曰吾子謬矣曾不再思妄行此事家國綿邈山川遼夐激揚此水給濟彼飢其猶却行以求前及非所

聞也提婆善薩曰幽途罪累尚蒙此水山川雖阻如何不濟時諸外道知難謝屈捨邪見受正法改過自新願奉教誨渡河東岸至秣

底補羅國中印度境

秣底補羅國周六千餘里國大都城周二十

餘里宜穀麥多華果氣序和暢風俗淳質崇尚學藝深閑呪術信邪正者其徒相半王成陀羅種也不信佛法敬事天神伽藍十餘所僧徒八百餘人多學小乘教說一切有部天祠五十餘所異道雜居

三十一

三十二

大城南四五里至小伽藍僧徒五十餘人昔瞿鞞鉢刺婆此言德光論師於此作辯真等論凡百餘部論師少而英傑長而弘敏博物強識碩學多聞本習大乘未窮玄奧因覽毗婆沙論退業而學小乘作數十部論破大乘綱紀

成小乘執著又製俗書數十餘部非斥先進所作典論覃思佛經十數不決研精雖久疑情未除時有提婆犀那此言天軍羅漢往來覩史

多天德光願見慈氏決疑請益天軍以神通力接上天宮既見慈氏長揖不禮天軍謂曰慈氏菩薩次紹佛位何乃自高敢不致敬方欲受業如何不屈德光對曰尊者此言誠爲指誨然我具戒必芻出家弟子慈氏菩薩受天福樂非出家之侶而欲作禮恐非所宜菩薩知其我慢心固非聞法器往來三返不得

決疑更請天軍重欲觀禮天軍惡其我慢懥而不對德光既不遂心便起恚恨即趣山林修發通定我慢未除不時證果

德光伽藍北三四里有大伽藍僧徒二百餘人並學小乘法教是衆賢論師壽終之處論師迦濕彌羅國人也聰敏博達幼傳雅譽特深研究說一切有部毗婆沙論時有世親菩薩一心玄道求解言外破毗婆沙師所執作阿毗達磨俱舍論辭義善巧理致清高衆賢猶覽遂有心焉於是沉研鑽極十有二歲作

俱舍電論二萬五千頌凡八十萬言矣所謂言深致遠窮幽洞微告門人曰以我逸才持我正論逐斥世親挫其鋒銳無令老叟獨擅先名於是學徒四三俊彥持所作論推訪世親世親是時在磔迦國奢羯羅城遠傳聲問衆賢當至世親聞已即治行裝門人懷疑前進諫曰大師德高先哲名擅當時遠邇學徒莫不推謝今聞衆賢一何惶遽必有所下我曹厚顏世親曰吾今遠遊非避此子顧此國中無復鑒達衆賢後進也詭辯若流我衰耄三十二

矣莫能持論欲以一言頽其異執引至中印度對諸髦彥察乎真偽詳乎得失尋即命侶負笈遠遊衆賢論師常後一日至此伽藍忽覺氣衰於是裁書謝世親曰如來寂滅弟子部執傳其宗學各擅專門黨同道疾異部愚以寡昧猥承傳習覽所製阿毗達磨俱舍論破毗婆沙師大義輒不量力沉究彌年作爲此論扶正宗學智小謀大死其將至菩薩宣暢微言抑揚至理不毀所執得存遺文斯爲幸矣死何悔哉於是歷選門人有辭辯者而

告之曰吾誠後學輕陵先達命也如何當從
斯沒汝持是書及所製論謝彼菩薩代我悔
過授辭適畢庵爾云亡門人奉書至世親所
而致辭曰我師衆賢已捨壽命遺言致書責
躬謝咎不墜其名非所敢望世親菩薩覽書

孰三

三十三

閱論沉吟久之謂門人曰衆賢論師聰敏後
進理雖不足辭乃有餘我今欲破衆賢之論
若指諸掌顧以垂終之託重其知難之辭苟
緣大義存其宿志況乎此論發明我宗遂爲
改題爲順正理論門人諫曰衆賢未沒大師

遠迹旣得其論又爲改題凡厥學徒何顏受
愧世親菩薩欲除衆疑而說頌曰如師子王
避豕遠逝二力勝負智者應知衆賢死已焚
屍收骨於伽藍西北二百餘步菴沒羅林中
起窣堵波今猶現在

菴沒羅林側有窣堵波毗末羅密多羅此言無垢
支論師之遺身論師迦濕彌羅國人也於說
一切有部而出家焉博綜衆經研究異論遊
五印度國學三藏玄文名立業成將歸本國
途次衆賢論師窣堵波也拊而歎曰惟論師

雅量清高抑揚大義方欲挫異部立本宗業
也如何降年不永我無垢友猥承末學與時
慕義曠代懷德世親雖沒宗學尚傳我盡所

知當制諸論令贍部洲諸學人等絕大乘稱
滅世親名斯爲不朽用盡宿心說是語已心
發狂亂五舌重出熱血流涌知命必終裁書
悔曰夫大乘教者佛法之中究竟說也名味
泯絕理致幽玄輕以愚昧駁斥先進業報皎
然滅身宜矣敢告學人厥鑒斯在各慎爾志
無得懷疑大地爲震命遂終焉當其死處地

陷爲坑同侶焚屍收骸旌建時有羅漢見而
歎曰惜哉苦哉今此論師任情執見毀惡大
乘墮無間獄

國西北境宛伽河東岸有摩裕羅城周二十
餘里居人殷盛清流交帶出輸石水精寶器

乳三

三十四

去城不遠臨宛伽河有大天祠甚多靈異其
中有池編石爲岸引宛伽水爲浦五印度人
謂之宛伽河門生福滅罪之所常有遠方數
百千人集此潔濯樂善諸王建立福舍備珍
羞儲醫藥惠施鰥寡周給孤獨從此北行三

百餘里至婆羅吸摩補羅國

北印度境

婆羅吸摩補羅國周四千餘里山周四境國

大都城周二十餘里居人殷盛家室富饒土

地沃壤稼穡時播出鎰石水精氣序微寒風

俗剛猛少學藝多逐利人性獵烈邪正雜信

伽藍五所僧徒寡少天祠十餘所異道雜居

此國境北大雪山中有蘇伐刺擎瞿呾邏國

此言金氏出上黃金故以名焉東西長南北狹即

東女國也世以女爲王因以女爲國夫亦爲

王不知政事丈夫唯征伐田種而已土宜宿

麥多畜羊馬氣候寒烈人性躁暴東接土蕃

國北接于闐國西接三波訶國從末底補羅

國東南行四百餘里至瞿毗霜那國

中印度境

瞿毗霜那國周二千餘里國大都城周十四

五里崇峻險固居人殷盛華林池沼往往相

孰三

三十五

間氣序土宜同末底補羅國風俗淳質勤學

好福多信外道求現在樂伽藍二所僧衆百

餘人並皆習學小乘法教天祠三十餘所異

道雜居大城側故伽藍中有窣堵波無憂王

之所建也高二百餘尺如來在昔於此一月

說諸法要傍有過去四佛座及經行遺迹之處其側則有如來髮爪二窣堵波各高一丈餘自此東南行四百餘里至聖醯掣哩邏國

中印度境

聖醯掣哩邏國周三千餘里國大都城周十七八里依據險固宜穀麥多林泉氣序和暢風俗淳質翫道篤學多才博識伽藍十餘所僧徒千餘人習學小乘正量部法天祠九所異道三百餘人事自在天塗灰之侶也城外龍池側有窣堵波無憂王之所建也是如來

在昔爲龍王七日於此說法其側有四小窣堵波是過去四佛座及經行遺迹之所自此南行二百六七十里渡宛伽河西南至毗羅

刪擎國

中印度境

毗羅刪擎國周二千餘里國大都城周十餘里氣序土宜同聖醯掣哩邏國風俗猛暴人知學藝崇信外道少敬佛法伽藍二所僧徒三百人並皆習學大乘法教天祠五所異道雜居大城中故伽藍內有窣堵波基雖傾圮尚百餘尺無憂王之所建也如來在昔於此

七日說蘊界處經之所其側則有過去四佛
座及經行遺迹斯在從此東南行二百餘里
至劫比他國

舊謂僧迦舍
國中印度境

劫比他國周二十餘里國大都城周二十餘
里氣序土宜同毗羅刪擎國風俗淳和人多
學藝伽藍四所僧徒千餘人並學小乘正量
部法天祠十所異道雜居同共遵事大自在
天城東二十餘里有大伽藍經製輪奐工窮
剏剎聖形尊像務極莊嚴僧徒數百人學正
量部法數萬淨人宅居其側

伽藍大垣內有三寶階南北列東面下是如
來自三十三天降還也昔如來起自勝林上
昇天宮居善法堂爲母說法過三月已將欲
下降天帝釋乃縱神力建立寶階中階黃金
左水精右白銀如來起善法堂從諸天衆覆
中階而下大梵王執白拂履銀階而右侍天
帝釋持寶蓋蹈水精階而左侍天衆陵虛散
華讚德數百年前猶有階級逮至今時陷沒
已盡諸國君王悲慨不遇壘以覩石飾以珍
寶於其故基擬昔寶階其高七十餘尺上起

精舍精舍中有石佛像而左右之階有釋梵
之像形擬厥初猶爲下勢傍有石柱高七十
餘尺無憂王所建也色紺光潤質堅密理上
作師子蹲踞向階彌鏤奇形周其方面隨人
罪福影現柱中

軌三

三十七

寶階側不遠有窣堵波是過去四佛座及經
行遺迹之所其側窣堵波如來在昔於此澡
浴其側精舍是如來入定之處

精舍側有大石基長五十步高七尺是如來
經行之處足所履迹皆有蓮華之文基左右

各有小窣堵波帝釋梵王之所建也

釋梵窣堵波前是蓮華色苾芻尼欲先見佛
化作轉輪王處如來自在天宮還瞻部洲也
時蘇部底須言善現舊曰須扶提或曰宴坐

石室竊自思曰今佛還降人天尊從如我今
者何所宜行嘗聞佛說知諸法空體諸法性
是則以慧眼觀法身也時蓮華色苾芻尼欲
初見佛化爲轉輪王七寶道從四兵警衛至
世尊所復苾芻尼如來告曰汝非初見夫善
現者觀諸法空是見法身聖迹垣內靈異相

繼其大窣堵波東南有一池龍恒護聖迹既
有冥衛難以輕犯歲久自壞人莫能毀從此

西北行減二百里至羯若鞠闍國

此言曲女城國中印

度境也

大唐西域記卷第四

音釋

第三卷

策子委切躋毗亦切絇居鄧切拯竹角橈
鳥味也
士諫切閣也
木爲道也確堅也
若角切
肥也

跋朴也組索也𢂔切𢂔竹角橈
羊朱切
銅鏤與涉切

駁踡士切

第四卷

磔側革切

繩継繩切

菟莫佩切

菟同都切

菟烏各切

驟許規切

驟毀也

驟駁也

驟駁也

驟駁也

驟駁也

驟駁也

繩継繩切

菟莫佩切

菟同都切

菟烏各切

驟許規切

驟毀也

驟駁也

驟駁也

驟駁也

驟駁也

驟駁也

驟駁也

季人

永樂北藏

大唐西域記

第一五一冊